

Inatsisartut aaliangiiffigisassaattut siunnersuut Naalakkersuisut peqquneqassasut misissueqqullugit, naartunermut suut peqqutaasarnersut tassani sooq ilaasa naartuersinnissartik toqqartarneraat allallu naartuinnarnissartik toqqartarneraat, tassanilu aamma naartunermi- aamma naartuersinnermi angutaasoq qanoq peqataatinneqartarnersoq. Misissuinerup inerneru kingusinnerpaamik 1. juli 2022 tamanut saqqummiunneqassapput.

(Inatsisartunut ilaasortaq Anna Wangenheim, Demokraatit)

pillugu

Ilaqutariinnermut Peqqissutsimullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Agathe Fontain, Inuit Ataqatigiit, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Mikivsuk Thomassen, Inuit Ataqatigiit
Inatsisartunut ilaasortaq Knud Mathiassen, Inuit Ataqatigiit
Inatsisartunut ilaasortaq Mette Arge-Hammeken, Naleraq
Inatsisartunut ilaasortaq Jess Svane, Siumut
Inatsisartunut ilaasortaq Mala Høy Kukò, Siumut

UKA2021-imi oktoberip 28-iani siullermeerinninnerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Arnat ilaasa naartuersinnissartik imaluunniit naartuinnarnissartik toqqartarneraat tassungalu ilanngullugu naartunermi aamma naartuersinnermi angut qanoq inissisimangersoq pillugit pissutaasunik qulaajaaffigalugu Naalakkersuisut misissuinermik suliaqassasut siunnersuuteqartup siunnersuutikkut matumuuna kissaatigaa. Misissuinerup inerneru 2022-imi kingusinnerpaamik julimi tamanut saqqummiunneqassasut siunnersuuteqartup kissaatigaa.

2. Siunnersuutip Inatsisartunit siullermeerneqarnera

Siunnersuut partiinit tamanit tapersorsorluarneqarpoq immikkoortorlu ataatsimiititaliami suliarineqartussanngorlugu innersuunneqarluni. Allanguutissat siunnersuummik Naalakkersuisut saqqummiussaqaqput.

3. Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq, aalajangiiffigisassatut siunnersuutip piviusunngortinneqarnerani aningaasatigut allaffissornikkullu kingunerisassat siunnersuutip tunngavilersorneqarnerani allaaserineqassasut.

Siunnersuutip piviusunngortinneqarnissaanut aningaasatigut kingunerisassai matumani allaaserineqarsimaneranut naapertuuttoq, taamaalilluni misissuinerup ingerlanneqarnissaanut AC- ukiumut akissarsiaasa nalinginik 250.000 kr.-t aamma 500.000 kr.-t akornanni akeqarnissaa missingerneqarmat ataatsimiititaliamit tusaatissatut tiguneqarpoqukiuni 2022, 2023 aamma 2024-mut 1 millioninik akeqarnissaa missiliorneqartoq ataatsimiititaliamit tusaatissatut tiguneqarpoq.

4. Ataatsimiititaliap siunnersuummik suliarinninnera

Siunnersuut saqqummiunneqaqqaartoq allanguutissatullu siunnersuut saqqummiunneqartoq ataani allassimasut ataatsimiititaliap misissorniarpai:

Siunnersuutaqqaartoq imaappoq:

Inatsisartut aaliangiiffigisassaattut siunnersuut Naalakkersuisut peqquneqassasut misissueqqullugit, naartunermut suut peqqutaasarnersut tassani soq ilaasa naartuersinnissartik toqqartarneraat allallu naartuinnarnissartik toqqartarneraat, tassanilu aamma naartunermi- aamma naartuersinnermi angutaasoq qanoq peqataatinneqartarnersoq. Misissuinerup inerneru kingusinnerpaamik 1. juli 2022 tamanut saqqummiunneqassapput.

Naalakkersuisullu allanguutissatut siunnersuutaat imaalluni:

” Inuusuttut kinguaassiutitigut peqqissuunermut isiginnittariaasiat aamma soq inuit ilai naartuersinnissartik allallu naartuinnarnissartik toqqartarnerannut ilisimasat ilisimatusarnerillu pioreersut tunngavigalugit eqikkaasoqarnissaanik, tassunga ilaalluni naartunermi- aamma naartuersinnermi angut arnarlu qanoq pingaaruteqarnerat pillugit Naalakkersuisut misissuinissaannik peqquneqarnissaat Inatsisartut aalajangiiffigisassaattut siunnersuut. Misissuineq UKA 2022-mi saqqummiunneqassaaq”.

Siunnersuutaqaartumi allannguutissatullu siunnersuutigineqartumi naartuersittarneq, naartusarneq kiisalu angutip pisuni qanoq inissisimasarneranik pissutaasartut pillugit siunnersuutigineqartuni marlunni eqqartorneqarput. Kinguaassiuutitigut peqqissuuneq kisimi nappaatinik kissaatiginngisamillu naartulertarnernut annikillisitsineq ajorpoq¹. Taamaattumik Naalakkersuisut allannguutissatut siunnersuutaat annertunerusoq ataatsimiititaliaq naliliivoq, ilisimasanik pioreersunik inuusuttuaqqallu kinguaassiuutitigut peqqissuunermik isiginneriaasiat eqqarsaatigalugu ataatsimut isigaluni/eqikkaalluni misissuinermut ilapittuutaassalluni.

4.1 Allakkatigut apeqquteqaatit

Ataatsimiititaliap suliaqarnermini pissutsit misissuinerup ingerlanneqarnerani misissuinerullu ingerlanneqarnerani pingaarutillit paasinarsisinneqarnissaat siunertaralugu Peqqissutsimut Naalakkersuisumut apeqqutinik arlalinnik ataatsimiititaliaq saqqummiussaqqarpoq.

4.2 Ataatsimiititaliap apeqquteqaataanut Naalakkersuisut akissuteqaataanut eqikkaaneq

Misissuinerup annertusineqarnissaanut tunngavilersuummi ilisimasat pioreersut allagaareersunillu misissuinerut ingerlatat eqikkarlugit katersorneqarnissaat pisariaqartoq Naalakkersuisut oqaatigaat. Allagaareersut misissuinerut ingerlanneqartut sulisut misilittagaannik ilaartorneqassapput tassanngaanniillu suliniutit piviusunngortinneqarnissaanut ilusilersuisoqassalluni. Kinguaassiuutitigut pissusilersornerup kissaatiginngisamik naartulernermik ilaatigullu peersitsinermik kinguneqartartup, matumani ilanngullugu naartuerseriaatsit (nakorsaattit atorlugit pilaanikkulluunniit naartuersinnerit) paasilluarneqarnissaa misissuinermi tunngavigineqarpoq. Nunatta Nakorsaaneqarfianit kisitsisit takutippaat naartuersittarneq sullinniakkanut, matumani ilanngullugu misissuinermi ukiut sukumiinerusumik nassuiarneqarnissaanut tunngavissiissasoq.

Piffissaq eqqarsaatigalugu misissuinerit taamaattut misilittakkat naapertorlugit naliliinerit aallaavigalugit aalajangersarneqarsimasoq taamaattumillu UKA2022-imut piffissaqartinneqarnissaaq pisariaqartoq Naalakkersuisut oqaatigaat. Siunnersuutaqaartumi immikkoortinneqareersut aallaavigalugit allannguutissatut siunnersuutip akuerineqarneratigut nukinnik annertunerusumik atuiffiunavianngitsoq ilanngullugu Naalakkersuisut oqaatigaa.

¹ Peqqinnissamut Aqutsisoqarfiup nittartagaa: [Seksuelt sundhed - Sundhedsstyrelsen](#)

Ataatsimiititaliap inassuteqaatai

- *Naalakkersuisut allannguutissatut siunnersuutaat akuerineqassasoq ataatsimiititaliap isumaqatigiittup inassutigaa*


Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappasaaniigassanngortippaa.



Ateq
Siulittaasoq
Agathe Fontain



Ateq
Siulittaasup tullia
Anna Wangenheim




Mikivsuk Thomassen

For




Knud Mathiassen



Mette-Arge Hammeken



Jess Svane



Mala Høy Kúkó



Peqqissutsimut Naalakkersuisoq
pn@nanoq.gl

Illoq: 03-11-2021
J.nr.:01.38.01.03-00145

Immikkoortoq 144-p suliarinerani Peqqissutsimut Naalakkersuisup allannguutissatut siunnersuutaa pillugu Ilaqutariinnermut Peqqissutsimullu Ataatsimiititaliap allakkatigut apeqquaqatai

Ataatsimiititaliap immikkoortoq 144 suliaralugu aallartippaa, tassungalu atatillugu arlalinnik allakkatigut apeqquutissaqarluni. Siunnersuutaaqqaartup Naalakkersuisullu allannguutissatut siunnersuutaata suna assigiinngissutigineraat pingaarnertut Ilaqutariinnermut Peqqissutsimullu Ataatsimiititaliap paaserusuppaa.

Siunnersuutaaqqaartoq imaappoq:

”Inatsisartut aaliangiiffigisassaattut siunnersuut Naalakkersuisut peqquneqassasut misissueqqullugit, naartunermut suut peqqutaasarnersut tassani soq ilaasa naartuersinnissartik toqqartarneraat allallu naartuinnarnissartik toqqartarneraat, tassanilu aamma naartunermi- aamma naartuersinnermi angutaasoq qanoq peqataatinneqartarnersoq. Misissuinerup inerneru kingusinnerpaamik 1. juli 2022 tamanut saqqummiunneqassapput.”.

Naalakkersuisullu allannguutissatut siunnersuutaat imaalluni:

”Inuusuttut kinguaassiutitigut peqqissuunermut isiginnittariaasiat aamma soq inuit ilai naartuersinnissartik allallu naartuinnarnissartik toqqartarnerannut ilisimasat ilisimatusarnerillu pioreersut tunngavigalugit eqikkaasoqarnissaanik, tassunga ilaalluni naartunermi- aamma naartuersinnermi angut arnarlu qanoq pingaaruteqarnerat pillugit Naalakkersuisut misissuinissaannik peqquneqarnissaat Inatsisartut aalajangiiffigisassaattut siunnersuut. Misissuineq UKA 2022-mi saqqummiunneqassaaq”.

1. Siunnersuutaaqqaartumut sanilliullugu misissuinerup annertusineqarnissaanut Naalakkersuisoq naatsumik tunngavilersuinissaanik qinnuigineqarpoq.
2. Inuusuttuaqqat kinguaassiuutitigut peqqissuunissamik isiginneriaasiat pillugu ilisimasat pioreersut ilisimatusarnerillu eqikkarlugit ilanngunneqarnissaat Naalakkersuisut allannguutissatut siunnersuuteqarnermikkut misissuineq annertusiniarpaat. Tamanna allassimareersunik imaluunniit allatut inuusuttuaqqat kinguaassiuutitigut peqqissuunissaat pillugu misissuinerit tunngaveqarpa?
3. Ilisimasap taassuma (apeqqut 2) kissaatiginngisamik naartulertarnermut qanoq pinaveersaartitseqataasinnaanera pillugu qanoq naatsorsuuteqartoqarpa?
4. Misissuinermit naartuerseriaatsit assigiinngitsut tamarmik ilaatinneqassappat?
5. Ukioqatigiit tamarmik peqataatinneqassappat, tassani angutit arnallu?
6. Piffissaliunneqartoq UKA2022-imut Naalakkersuisut isummeqquneqarput, piffissaliunneqartorlu pilersaarusiortiginissaanut, suliaqarfiginissaanut, misissueqqissaarfiginissaanullu, misissuinermit inernerit nalunaarusiarfiginissaanut.
7. Siunnersuutaaqqaartumut tunngatillugu misissuinerup ingerlanneqarnissaanut aningaasatigut allaffissornikkullu kingunerisassai pillugit Naalakkersuisut qanoq naliliippat?
8. Piffissaliussaq UKA2022-mut inissinneranut suut tunngavilersuutaappat, siunnersuutaaqaartup killiliussaa juli 2022-nngitsoq?

Qulaani apeqquteqaatinut allakkatigut (kalaallisut danskisullu) akissuteqaammik ataatsimiititaliap piaartumik tigusaqarnissani kissaatigaa. Akissuteqaat qarasaasiakkut ataatsimiititaliap allattaanut (mika@ina.alla.gl)-mut aamma Inatsisartunut (inatsisartut@inatsisartut.gl)-mut nassiuteqquneqarpoq.

Apeqqutit qulaani taaneqartut – isertuussinissaq eqqarsaatigalugu – oqaasiinnakkut akineqarnissaat pitsaanerusoq Naalakkersuisut nalilerpassuk, ilisimatitsillunilu ataatsimeeqatigiissinnaanerup ullua ilanngullugu siunnersuummik piaartumik nalunaarutigineqartariaqarpoq.

Qujareerlunga,

Ilaqutariinnermut Peqqissutsimullu Ataatsimiititaliaq sinnerlugu
Inussiarnersumik inuulluaqqusillunga

Agathe Fontain

Ataatsimiititaliap siulittaasua



Ilaqtariinnermut Peqqissutsimullu Ataatsimiititaliaq
mika@ina.ala.gl & inatsisartut@inatsisartut.gl

UKA 2021/144 pillugu Ilaqtariinnermut Peqqissutsimullu Ataatsimiititaliap apeqquteqaataanut akissuteqaat

UKA 2021/144 siullermeerneqarnerani allannguutissatut siunnersuummut
apeqquteqaatissinnut qujanaq.

10-11-2021
Sags nr. 2021 - 19753
Akt nr. 18429324

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

- 1. Siunnersuutaqaartumut sanilliullugu misissuinerup
annertusineqarnissaanut Naalakkersuisoq naatsumik
tunngavilersuinissaanik qinnuigineqarpoq.**

Akissut:

Naalakkersuisut allannguutissatut siunnersuummik tunniussipput misissuinermit ukkatarineqartut killilersorniarlugit. Misissuinerit amerlanertigut naammassineqartarput atuagaatit aamma ilisimatusarnerit sammisamut tunngassuteqartut pioreersut katersornagit. Atuagassiat ilisimatusarnerillu sammisamut tunngassuteqartut pioreersut misissueqqinnissamut tunngavissaqarluarneranik nalilerneqarpoq. Atuagassiat ilisimatusarnerillu pioreersut suliamut tunngasumik ilisimasallit misilittagaannik tapertarineqassapput. Periuseq tamanna ilisimatuunit tassungalu tunngassuteqartunik atuagassiaatinik ilisimannittunik eqqartorneqareerpoq.

- 2. Inuusuttuaqqat kinguaassiuutitigut peqqissuunissamik
isiginneriaasiat pillugu ilisimasat pioreersut ilisimatusarnerillu
eqikkarlugit ilanngunneqarnissaat Naalakkersuisut
allannguutissatut siunnersuuteqarnermikkut misissuineq
annertusiniarpaat. Tamanna allassimareersunik imaluunniit allatut
inuusuttuaqqat kinguaassiuutitigut peqqissuunissaat pillugu
misissuinerit tunngaveqarpa?**

Akissut:

Misissuineq allagaareersunik misissuinerit ingerlanneqassaaq. Misissuineq Peqqissutsimut Naalakkersuisoqarfik, Center for Folkesundhed i Grønland aamma ilisimatusarfimmi ilisimatuut peqatigalugit ineriartortinneqassaaq. Taakkua saniatigut peqqinnissaqarfimmiit, Paarisamiit suliffeqarfiillu suliamut attuumassuteqartuniit peqataatinneqassapput. Kinguaassiuutitigut peqqissuunermik aamma naartumik isumassuunermik suliamik ilisimasallit allaagaareersut pillugit ulluinnarni misilittakkatik tunngavigalugit nalilersuinissamut oqallinnissamullu periarfissaqassapput. Ilisimatuut aamma ulluinnarni suliaqartut ataatsimoortinnissaanut siunertaavoq ilisimatusarneri allattugaatit ulluinnarnilu ilisimasat akuliulluarnissaat.

3. Ilisimasap taassuma (apeqqut 2) kissaatiginngisamik naartulertarnermut qanoq pinaveersaartitseqataasinnaanera pillugu qanoq naatsorsuuteqartoqarpa?

Akissut:

Naatsorsuutigineqarpoq kinguaassiutitigut peqqissuuneq / pissuseqarneq peersitsisarnermut attuumassuteqartoq. Taamaattumik kinguaassiutitigut peqqissusermik ilisimasaqarneq ilanngunneqarnissaa naleqquttuusorineqarpoq, pissutigalugu atoqatigiinnermi ileqqunut tunngavigineqartut, kissaatiginngisamik naartulertarnermut ilaatigullu peersitsisarnermut kinguneqartartunut annertunerusumik paasisaqarusunnermik pisariaqartitsisoqarmat. Taamaattumillu nalilerneqarpoq naartuersittartut ikilisinneqarsinnaanngitsut kinguaassiutitigut peqqissuuneq annertunerusumik ukkatarineqanngippat.

4. Misissuinermi naartuerseriaatsit assigiinngitsut tamarmik ilaatinneqassappat?

Akissut:

Nakorsaaitigut pilaanermilu naartuerseriaatsit ilisimasat sulinermi ilanngunneqassapput. Innuttaasup sumi najugaqarnera apeqqutaalluni suleriaaseq sorliussanersoq apeqqutaasinnaavoq, tamatumani pissutaavoq peqqinnissaqarfii akornanni suleriaatsit assigiinngitsuummata. Nunatsinni Nakorsaaneqarfik ukiumoortumik naartuersittarnerit pillugit oqaaseqaasiortartoq suleriaatsit pillugit ilisimasanik tunniussaqaarsinnaavoq.

5. Ukioqatigiit tamarmik peqataatinneqassappat, tassani angutit arnallu?

Akissut:

Allagaareersunik misissuinermi ilisimatusarnermi atuakkallu annertussusaat tunngavigalugit sullinniakkatut anguniagassat aalajangerneqartarput. Taamaattumillu maannangaaq sullinniakkatut anguniakkat suunersut nassuiarneqarsinnaangilaq. Nunatsinni Nakorsaaneqarfimmi naartuersittarneq pillugu peqqinnissakkut allagaatai naartuersissimasut ukioqatigiiaat tamarmik ilanngunneqartarput.

**6. Piffissaliunneqartoq UKA2022-imut Naalakkersuisut
isummeqquneqarput, piffissaliunneqartorlu
pileraaruseriorfiginissaanut, suliaqarfiginissaanut,
misissueqqissaarfiginissaanullu, misissuinermilu inernerit
nalunaaruseriorfiginissaanut.**

Akissut:

Misissuinerup suliarineqarnissaanut piffissamik pileraarummik sulii aalangiisoqanngilaq. Misilittagaareersut suliamullu misilittakkat nalilersorneratigut piffissamik atuinissamik naatsorsuineq tunngaviummik aalajangerneqartarpoq. Suliamik ilisimasallit attuumassuteqartut suliamut tunngasumut allagaatinik ilisimatusarnermilu suliarisimasat eqikkarneranni ilanngunneqarnissaanut periarfissaqarnissaat pingaartinneqarsimavoq. Misissuinerup inernerani suliamik ilisimasallit misilittagaat tunngavigalugit misissuinerup pitsaassusaanik peqataatinneqarnissaat pingaaruteqarluinnartutut isigineqarpoq.

Misissuinerup inernera Namminersorlutik Oqartussani soqutigisaqaqatigiillu akornanni tusarniaavigineqarnissaa piffissamut pilersaarummi aamma eqqarsaatigineqarsimavoq.

**7. Siunnersuutaaqaartumut tunngatillugu misissuinerup
ingerlanneqarnissaanut aningaasatigut allaffissornikkullu
kingunerisassai pillugit Naalackersuisut qanoq naliliippat?**

Akissut:

Misissuinerup aningaasatigut allaffissornikkullu kingunerisassanut naatsorsuutit aallaqaammumut siunnersuummut qaanginnissaa naatsorsuutigineqanngilaq.

**8. Piffissaliussaq UKA2022-mut inissinneranut suut
tunngavilersuutaappat, siunnersuutaaqaartup killiliussaa juli 2022-
nngitsoq?**

Akissut:

Piffissaliussami pilersaarutaasumut tunngavilersuutit apeqqut 6-mi akineqarput. Ilassutigineqarsinnaavoq UKA22 kingusinnerpaatut tunniussiffissatut periarfissaasoq. Suliaqarnermi anguniarneqassaaq misissuinerup inernera piaartumik tunniunneqarnissaa.

Inussiarnersumik inuulluaqqusillunga
Med venlig hilsen


Kirsten Fencker